



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 6 FULAN MAIU TINAN 2014

KOMUNIKADU IMPRENSA

Sorumutuk Konsellu Ministru nian loron 6 fulan Maiu tinan 2014

Governu hala'o sorumutuk iha loron Tersa ne'e, loron 6 fulan Maiu tinan 2014, iha sala sorumutuk Konsellu Ministru nian, iha Palásiu Governu, iha Dili no aprova ona:

1. Dekretu-Lei ne'ebé aprova Baze Polítika ba Turizmu

Dekretu-Lei ne'ebé estabese Baze Polítika ba Turizmu, apresenta husi Ministériu Turizmu, define objetivu no prinsípiu hirak ne'ebé nia iha no identifika instrumentu hirak ne'ebé destinadu ba ninia ezekusaun, nu'udar setór estratéjiku husi ekonomia nasionál nian.

Tanba turizmu iha papél fundamentál ida iha dezenvolvimentu ekonómiku no sosiál nasaun nian, diploma ida ne'e aplika ba atividade turística sira, atividade sira husi setór públiku ne'ebé dirije ba turizmu, ba fornecedoru produktu sira no promotoru servisu turístiku sira, ba turista sira rasik no ba konsumidoru sira husi produktu no servisu turístiku sira.

Konsellu Ministru analiza mós:

1. Plataforma Timor-Leste no Pequim ba Revizaun Relatóriu kona-ba Avaliasaun Asaun Nasionál nian

Sekretária Estadu ba promosaun Igualdade, Idelta Maria Rodrigues, apresenta ona ba Konsellu Ministru Relatóriu ida husi nasaun ne'e nian kona-ba jéneru. Relatóriu ida ne'e halo parte ba konsulta kona-ba Plataforma Timor-Leste no Pequim ba Revizaun Relatóriu hosi Asaun Nasionál nian no apresenta, liuliu, objetivu boot hirak ne'ebé atinje ona no dezafiu boot sira.



Palácio do Governo,
Avenida Presidente Nicolau Lobato,
Dili, Timor-Leste

ddigovtl.09@gmail.com
(670) 22 210 608

2. Apresentasaun kona-ba Gabinete Apoiu nian ba Prezidéncia CPLP

Ministériu Negósiu Estranjeiru apresenta ona ba Konsellu Ministru proposta ida kona-ba Ajenda ba Simeira CPLP nian hodi tau mós konsiderasaun ba organizasaun kestaun sira kona-ba seguransa no defeza, lojística, protokolu, komunikaun sosiál no eventu kulturál sira.

3. Proposta Lei ne'ebé Kria Rejime Kontributivu Seguransa Sosiál nian iha ámbitu Organizasaun Progresiva husi sistema Seguransa Sosiál nian ida

Proposta Lei ida ne'e apresenta husi Ministériu Seguransa Sosiál hakarak atu kria, tuir prevee iha Konstituisaun Repúblika Timor-Leste nian no iha ámbitu organizasaun progresiva husi sistema seguransa sosiál nian ida, rejime kontributivu seguransa sosiál, ne'ebé ninia objetivu mak atu proteje traballadór sira no mós sira nia família sira iha situasaun sira hanesan maternidade, paternidade no adosaun, invalidéz, idade ferik no katuas no mate.

